

Oqaluuserisassanut nassuiaat

(Inatsisartut Siulittaasuat)

Ilaasortat siunnersuutaannik suliarinninnerni oqaaseqartartut tulleriittarnerannik nutaamik misiliiniarluni siulittaasoqarfiup aalajangersimavaa. Periaaseq taanna siullermik misilissavarput aqagu oktobarip ulluisa aappaanni immikkoortup 49-p oqaluuserineqarnerani:

Ilaasortat siunnersuutaannik suliarinninnermi oqaaseqartussat tulleriinnerat taamaalilluni imaalissaaq ilaasortap siunnersuutaa saqqummiunneqareerpat partiit tulleriinneranni partii tullinnguuttoq siulliulluni oqaaseqartassalluni.

Tamanna assersuutigalugu isumaqarpoq ilaasortap siunnersuutaa Siumumit ilaasortamit saqqummiunneqarpat, taava Atassut siulliulluni oqaaseqartussaassaaq, tamatumalu kingorna partiit angissusertik naapertorlugu ullumikkutut tulleriillutik oqaaseqartassallutik, tassa D, N, IA naggataatigullu Siumup oqaaseqartua.

IA-mut ilaasortaq aalajangiiffigisassatut siunnersuummik saqqummiussaqqarpat, taava Siumut siulliulluni oqaaseqartussaassaaq, tamatumalu kingorna tulleriittarneq atuuttoq malillugu oqaaseqartoqartassalluni.

Taamaaliornikkut partii mikinerpaaq tamatigut kingullerpaajulluni oqaaseqartinneqassaassaaq.

Immikkoortoq 32 imatut qulequtalik:

Meeqqat pisinnaatitaaffii pillugit isumaqatigiisummut Kalaallit Nunaata nammineq qinikkaminik isumaqatigiissutip tapiliussaanut 19. december 2011-mi peqataalernissaanut Inatsisartut aalajangiussassaattut siunnersuut.

Nutaatut ulloq 7. oktober 2025 oqaluuserineqartussanngortinneqarpoq.

Immikkoortoq 21 imatut qulequtalik:

MitID aamma NemLog-in pillugu inatsisip allanngortinneqarnera (Suliffiup iluani it-systeminik

atuisup aalajangersimasup taamaammallu qarasaasiat systemiinik atuisinnaasup kinaassusaata nakkutigineqarnerani uppersarneqarneranilu MitID-imik aamma NemLog-in-imik aaqqiinermik atuisinnaatitaaneq aamma immikkoortortaqrarfiit inatsisitigut akisussaaffigisat, EU-mi/ EØS-imi nunami allami nalunaarsorneqarsimasut MitID-mik aaqqiinermik atalersinnaanerannut periarfissaq) pillugu inatsisip Kalaallit Nunaannut atortuulersinneqarnera pillugu peqqussut.

Nutaatut ulloq 23. oktober 2025 oqaluuserineqartussanngortinneqarpoq.

Taasisarnerit pillugit uku akornanni isumaqatigiissuteqartoqarpoq:

Kim Kielsen, Siumut aamma Kuno Fencker, Naleraq.